


კანონთა და განკარგულებისათვის კრებული

ამიერკავკასიის სოციალისტური ფედერაციული საბჭოთა რესპუბლიკის
მუშათა და გლეხთა მთავრობისა.

1927 წლის ნოემბრის 1.	№ 19 გენყოფილება პირველი	ა/კ. ც. ა. კომიტ. საკანონ- მდებლო კომისიასთან არ- სებულ კანონთა გამოქვე- ყნების გამოყოფილების მიერ გამოცემული.
--------------------------	-----------------------------	--



შ ი ნ ა ა რ ს ი :

- მუხ. 214. აპარატის რაციონალიზაციის გამო დათხოვნილი სახელმწიფო დაწესებულებათა და სა-
წარმოთა მოსამსახურეებისათვის მისაცემი გაძლიერებული გამოსასვლელი დანმარე-
ბის შესახებ.
- „ 215. ჭიათურის სადგურიდან ვაგონების მიყენებისათვის ადგილობრივი ტარიფის დაწვე-
ბისა და ტყიბულის ქვანახშირის საგადასაზიდო ტარიფის შესახებ.
- „ 216. დებულება ა/კსფსრ ადგილობრივი მნიშვნელობის გზატკეცილებისა და შარავების
მდგომარეობისა და შენახვისათვის გზათა სახალხო კომისარიატის მიერ საერთო ზე-
დამხედველობის განხორციელების წესის შესახებ.
- „ 217. წითელარმიელთა და მათ ოჯახთა უფლებრივი და ქონებრივი მდგომარეობის დაც-
ვის განხორციელებისათვის გამოცემული ინსტრუქციის დამატების შესახებ.
- „ 218. ადგილობრივი ფინანსების დებულების 23 მუხ. დამატებისა და 27 და 39 მუხლის
შეცვლის შესახებ.
- „ 219. ა/კსფსრ სახალხო კომისართა საბჭოს მიერ „ტყის თივთენებისა და მოჭრის აღმოჩენისა-
სათვის ტყის მცველებისა და მილიციის პრემიით დაჯილდოების თაობაზე“ გამოცე-
მული დადგენილების შეცვლის შესახებ.
- „ 220. ჩათახის თუჯისა და საყორე გრანიტის ქვის ადგილობრივი ტარიფის შესახებ.
- „ 221. ტყეების ნაკეთობის მკავშირებელთა შემოკლებული სამუშაო დღის შესახებ.
- „ 222. საგეგმო ორგანოების საკომუნისტურ დაკვირვებათა შესახებ.
- „ 223. მშ. მ. გაჯინსკის ა/კსფსრ ვაკრობის სახალხო კომისრის მოადგილედ დანიშნის შე-
სახებ.
- „ 224. სოციალური დაზღვევის ორგანოებისათვის შეღავათების მინიჭების შესახებ.



საქართველოს სახკომსაბჭოს საქმეთა მმართველობის სტანბა.
მთავლიტი № 271. დაიბეჭდა 800.



დადგენილება № 76 სსსრ შრომის სახალხო კომისარიატისა და სსსრ ფინანსთა სახალხო კომისარიატისა

1927 წ. ოქტომბრის 19.

214. აპარატის რაციონალიზაციის გამო დათხოვნილი სახელმწიფო დაწესებულებათა და საწარმოთა მოსამსახურეებისათვის მისაცემი გაძლიერებული გამოსასვლელი დახმარების შესახებ.

ა/კსფსრ შრომის სახალხო კომისარიატი და ა/კსფსრ ფინანსთა სახალხო კომისარიატი ადგენენ:

შემოღებულ იქნეს სამოქმედოდ ა/კსფსრ ტერიტორიაზე სსრკ შრომის სახალხო კომისარიატისა და ფინანსთა სახალხო კომისარიატის ინსტრუქცია—სსრკ სახალხო კომისარიატთა საბჭოს მიერ „აპარატის რაციონალიზაციის გამო დათხოვნილი სახელმწიფო დაწესებულებათა და საწარმოთა მოსამსახურეებისათვის მისაცემი გაძლიერებული გამოსასვლელი დახმარების შესახებ“ 1927 წ. სექტემბრის 27-ს თარიღით გამოცემული დადგენილების შეფარდებისათვის.

ა/კსფსრ ფინანსთა სახალხო კომისარი **დ. ჰუსეინოვი.**

ა/კსფსრ შრომის სახალხო კომისარის მოადგილე **ბანოვიჩი.**

შეთანხმებულია ა/კ. პროფკავშირთა საბჭოსთან: **ხარაბაძე.**

ინსტრუქცია სსრკ სახალხო კომისარიატთა საბჭოს მიერ „აპარატის რაციონალიზაციის გამო დათხოვნილი სახელმწიფო დაწესებულებათა და საწარმოთა მოსამსახურეებისათვის მისაცემი გაძლიერებული გამოსასვლელი დახმარების შესახებ“ 1927 წ. სექტემბრის 27-ს თარიღით გამოცემული დადგენილების შეფარდებისადვის.

1. გაძლიერებული გამოსასვლელი დახმარების მიღების უფლება (თვენახევის გასამრჯელოს რაოდენობით—მოსკოვსა, ხარკოვსა და ლენინგრადში და თვითონ გასამრჯელოს რაოდენობით—სსრკ დანარჩენ ადგილებში) აქვს იმ მომუშავეს (მოსამსახურეს და მუშას), რომელიც დათხოვნილია 1927 წ. სექტემბრის 1-დან დაწყებულ პერიოდში:

ა) აპარატის რაციონალიზაციის გამო, ე. ი. საგამგებლო აპარატის სტრუქტურის გამარტივებისა და მუშაობის სისტემისა და მეთოდების გაუმჯობესების საფუძველზე შტატების შემცირების გამო;

ბ) შემცირების გამო, რაც განხორციელებულია სსრკ სახალხო კომისართა საბჭოს მიერ „1927-1928 წლის ხარჯთაღრიცხვებით საადმინისტრაციო-საგამგებლო ხარჯების შემცირების შესახებ“ 1927 წ. აგვისტოს 30-ს თარიღით გამოცემული დადგენილების წესისამებრ.

2. გაძლიერებული გამოსასვლელი დახმარება იმ პირს, რომელიც დათხოვნილია სექტემბრის 1-დან დაწყებულ პერიოდში სსრკ სახალხო კომისართა საბჭოს 1927 წ. სექტემბრის 27-ს დადგენილების გამოქვეყნებამდე, მიეცემა იმ გამოსასვლელი დახმარების ჩათვლით, რაც მას წინად დაწესებული საერთო ნორმის მიხედვით მიეცა.

3. დადგენილების მოქმედება მტკიცედ უნდა იქნეს შემოფარგლული მხოლოდ 1-ლ მუხლში აღნიშნული შემთხვევებით და ამ დადგენილების გავრცელება ყველა სხვა დათხოვნის შემთხვევაზე, რაც შრომის დაცვის კანონთა კოდექსშია აღნიშნული, აკრძალულია. გაძლიერებული გამოსასვლელი დახმარება შეიძლება მიეცეს მხოლოდ მუდმივ მოსამსახურეს და ამ დახმარების მიცემა დროებით და სეზონობით მომუშავეებისათვის, პრაქტიკანტებისათვის, სტაჟერებისათვის და წითელ არმიაში გაწვეულ პირებისათვის არ შეიძლება.

4. თვიური საშოგროს ცნებად (მუხ. 3) უნდა იგულისხმებოდეს მომუშავეისათვის დანიშნული თვიური ჯამაგირის განაკვეთი. არავითარი ზედმეტი სამუშაოს საშოგარი, კერძოდ, ზედმეტი მუშაობის სასყიდელი, თუნდაც ეს მუშაობა სისტემატიური იყოს, გამოსასვლელი დახმარების გამოანგარიშების დროს სათვალავში არ მიიღება, გარდა ყოველთვიურად მისაცემი პრემიისა და სანაჭრო სასყიდლისა, რაც კოლექტიური ხელშეკრულებით არის გათვალისწინებული, აგრეთვე პასუხისმგებელი პოლიტიკური მომუშავეის სადატვირთო სასყიდლისა.

5. უკეთუ სახელმწიფო ბიუჯეტზე მყოფი დაწესებულების მუდმივი მომუშავენი დათხოვნილ იქნენ აპარატის რაციონალიზაციის გამო, გაძლიერებული გამოსასვლელი დახმარება გაიცემა სამუშაო ხელფასის ასიგნვიდან იმ წლის ბიუჯეტით, რომელშიაც მოხდა აპარატის რაციონალიზაცია და მომუშავეთა დათხოვნა.

6. ხოლო, უკეთუ იმავე დაწესებულების მუდმივი მომუშავენი დათხოვნილ იქნენ სსრკ სახალხო კომისართა საბჭოს 1927 წ. აგვისტოს 30-ს დადგენილების აღსრულების წესით, კერძოდ, რათა შტატი მიღწეულ იქნეს საშტატო ერთეულთა იმ რაოდენობამდე, რომლისთვისაც 1927-1928 წლის ბიუჯეტით სამუშაო ხელფასის ასიგნება გათვალისწინებული, — გაძლიერებული გამოსასვლელი დახმარება გაიცემა უწყებათა და დაწესებულებათა 1926-1927 წლის სათანადო ხარჯთაღრიცხვებით გათვალისწინებული სამუშაო ხელფასის ასიგნების ნარჩომიდან; უკეთუ ეს ნარჩომი არ მოიპოვება ან იგი საშეღავათო ვადის ვასვლის გამო დახურულია სსრკ ფინანსთა სახალხო კომისარიატის 1927 წლის სექტემბრის 13-ს თარიღის ინსტრუქციის თანახმად (სსრკ ფინ. სახ. კ-ტის 1927 წ. სექტემბრის 13-ს თარიღისა და 733 №-რის ცირკულიარი), — გაძლიერებული დახმარება გაიცემა



განვილილი წლის დასრულებული ხარჯთაღრიცხვებით გათვალისწინებული ხარჯების ფონდიდან (მუხ. მე-6 სსრკ სახალხო კომისართა საბჭოს 1927 წ. ივლისის 30-ს დადგენილებისა—სსრკ ერთიანი სახელმწიფო ბიუჯეტის დასრულების წესის შესახებ); ამასთანავე ფინანსთა სახალხო კომისარიატის სალაროები და მათი მენაცვლე ორგანოები პირველ რიგში გაანაღდებენ აღნიშნული საჭიროებისათვის წარდგენილ ასიგნობებს-ჩეკებს.

7. 1-ლ მუხლში აღნიშნული ფონდიდან გამოსასვლელი დახმარების მისაცემათა ფულადი თანხის მოთხოვნა (ასიგნობა-ჩეკს) უნდა დაერთოს მოთხოვნილებათა ნუსხა და ცნობა, იმის დასამტკიცებლად, რომ ამა თუ იმ დაწესებულებას 1926-1927 წ. ბიუჯეტით სამუშაო ხელფასისათვის ვადადებული ასიგნებიდან ნარჩომი არ მოეპოვება; ხოლო ფინანსთა სახალხო კომისარიატის ორგანოებისათვის სსრკ სახალხო კომისართა საბჭოს 1927 წ. ივლისის 30-ს დადგენილების მე-7 მუხ. აღნიშნული დოკუმენტების (იმის დასამტკიცებლად, რომ გამოთხოვილი ხარჯი გათვალისწინებული იყო ამა თუ იმ უწყების ხარჯთაღრიცხვით გასული საბიუჯეტო წლისათვის და რომ სათანადო კრედიტი დახურულია, რადგანაც იგი დახარჯულ არ იქნა) წარდგენა საჭირო არ არის.

8. გზათა სახალხო კომისარიატისა და ფოსტა-ტელეგრაფის სახალხო კომისარიატის უწყებებში გაძლიერებული გამოსასვლელი დიხმარება, სსრკ სახალხო კომისართა საბჭოს 1927 წ. აგვისტოს 30-ს დადგენილების აღსრულების წესით დათხოვნილ დროს, გაიცემა გზათა სახალხო კომისარიატისა და ფოსტა-ტელეგრაფის სახალხო კომისარიატის 1926-1927 წლის ხარჯთაღრიცხვებით გათვალისწინებული ასიგნებიდან, სსრკ ფინანსთა სახალხო კომისარიატსა და ზემოაღნიშნულ კომისარიატთა შორის მომხდარი შეთანხმების მიხედვით (შეთანხმების მე-4 მუხ.).

9. სსრკ სახალხო კომისართა საბჭოს 1927 წ. სექტემბრის 27-ს დადგენილების მე-7 მუხლის მოქმედება გავრცელდება მხოლოდ წარმოებიდან დათხოვნილ მოსამსახურეებზე და არა ისეთ მოსამსახურეებზე, რომელნიც მსახურებენ წარმოებითი საწარმოთა სავამგებლო აპარატში, ან საწარმოთა დამხმარე ორგანოების აპარატში (კონტორა, საწყობი), რაც მათი ტერიტორიის გარეშეა, და აგრეთვე წარმოებითი შენაერთების (ტრესტების) გამგეობების აპარატში. თაბრიკების ტერიტორიაზე მდებარე კონტორებისა და საწყობების მოსამსახურეებზე მე-7 მუხლის მოქმედება გავრცელდება მხოლოდ იმ შემთხვევაში, უკეთეს ისინი გათანასწორობულ არიან მუშებთან სამუშაო დღის ხანგრძლიობით და დათხოვნილ იქნებიან წარმოების რაციონალიზაციასთან დაკავშირებით მუშათა განსაზღვრული რაოდენობის შემცირების გამო.

სსრკ ფინანსთა სახალხო კომისრის მოადგილე ფრუმკინი.

სსრკ შრომის სახალხო კომისრის მოადგილე ბახუტოვი.

შეთანხმებულია სრულ. საკავშ. პროფკ. ცენტრ.

საბჭოში: სრ. საკავ. პროფკავ. ცენ. საბჭოს

სატარიფო-საეკ. განყოფ. გამგის მოადგილე შულიკოვი.

1927 წ. ოქტომბრის 3.

გამოქვეყნებულია „ზარია ვოსტოკა“-ს 1606 №-ში 1927 წ. ოქტომბრის 20-ს.

დადგენილება ა.კ. რკ. გზ. გაგზავრსთან არსებული საუწყებათაშორისო სატარიფო თათბირისა

1927 წლის ოქტომბრის 12. № 7.

215. ქიათურის სადგურიდან ვაგონების მიყენებისათვის ადგილობრივი ტარიფის დაწესებისა და ტყიბულის ქვანახშირის საგადასახილო ტარიფის შესახებ.

ქიათურის სადგურიდან საქართველოს შავიქვის საზოგადოების საწყობებთან ვაგონების მიყენებისათვის ადგილობრივი ტარიფის დაწესების შესახებ.

ქიათურის სადგურიდან საქართველოს შავიქვის საზოგადოების ცენტრალურ მიწერილ საწყობთან დასატვირთავად (შავიქვის გარდა) ერთი ვაგონის მიყენებისათვის, თანაც ამ ვაგონის ქიათურა-დარკვეთის მანძილის ფარგალში მაგისტრალურ ხაზზე გადაბმულ, საქართველოს შავიქვის საზოგადოების ექსპლოატაციაში ქონებულ ერთ-ერთ შტოზე მდებარე მიწერილ საწყობთან, ან წინაუკმოდ, მიყენებისათვის ან და ერთი შტოდან მეორე შტოზე გადაცემისათვის— გადახდევინებულ იქნება 13 (ცამეტი) მანეთი.

აღნიშნულ ვაგონზე ზედმეტად თვითეული მიყენებული ვაგონისათვის ზემოხსენებულ განაკვეთს მიემატება 4 (ოთხი) მანეთი.

ვალა მთელი ოპერაციისათვის განისაზღვრება ერთი დღე-და-ღამით.

ვაგონს გაჰყვება თანამხლებელი ან დაედება საქართველოს შავიქვის საზოგადოების კოლიტე ამ საზოგადოების პასუხისმგებლობით.

დადგენილება ესე სამოქმედოდ შემოიღება 1927 წ. ოქტომბრის 20-დან და მოქმედებს იმ დრომდე, ვიდრე იგი გაუქმებულ არ იქნება.

ტყიბულის ქვანახშირის ნოვოროსიისკში ვასატანად ტყიბულის სადგურიდან ფოთის სადგურამდე გადაზიდვისათვის არსებული ა/კ. რკ. გზ. 31 (04) №-რის ადგილობრივი ტარიფის განგრძობის შესახებ.

ტყიბულის ქვანახშირის ტყიბულის სადგურიდან ფოთის სადგურამდე გადაზიდვისათვის არსებული ა/კ. რკ. გზ. 31 (04) №-რის ადგილობრივი ტარიფი, რომელიც დაწესებულია ვადით მიმდინარე წლის სექტემბრის 24-მდე და გამოქვეყნებულია ტარიფთა ტყიბულის 311 და 403 №№-ში, — განგრძობილ იქნეს უცვლელად ვადით 1927 წ. დეკემბრის 31-დღე.

ა/კ. რკ. გზ. გამგ. არსებული საუწყებთაშორისო სატა-

რიფო თათბირის თავმჯდომარის მოადგილე ტერ-მიქაელიანი.

სსთ საქმეთა მმართველის თანამდ. აღმ., უფრ. ეკონომ. ვერდერევესკი.

გამოქვეყნებულია „ზარია ვოსტოკა“-ს 1607 №-ში 1927 წ. ოქტომბრის 21-ს.



დადგენილება აზიარკავკასიის ცენტრალური აღმას- რულებელი კომიტეტისა და აკსფსრ სახალხო კო- მისარტა საბჭოსი

216. ა/კსფსრ ადგილობრივი მნიშვნელობის გზატკეცილებისა და შარაგზების მდგომარეობისა და შენახვისათვის გზათა სახალხო კომისარიატის მიერ საერთო ზედამხედველობის განხორციელების წესის დებულების დამტკიცების შესახებ.

ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისარტა საბჭო ადგენენ:

დამტკიცებულ იქნეს შემდეგი დებულება „აკსფსრ ადგილობრივი გზატკეცილებისა და შარაგზების მდგომარეობისა და შენახვისათვის გზათა სახალხო კომისარიატის მიერ საერთო ზედამხედველობის განხორციელების წესის შესახებ“.

ა/კ. ცენტრალური აღმას. კომიტ. თავმჯდომარე ს. აღამალი-ოღლი.

აკსფსრ სახ. კომისარტა საბჭოს თავმჯდომარე შ. ელიავა.

ა/კ. ცენტრალური აღმას. კომიტეტის მდივანი ა. შავერდოვი.

1927 წ. სექტემბრის 19. ტფილისი-სახალხე.

დადგენილება აკსფსრ ადგილობრივი მნიშვნელო- ბის გზატკეცილებისა და შარაგზების მდგომარეო- ბისა და შენახვისათვის გზათა სახალხო კომისარ- იატის მიერ საერთო ზედამხედველობის განხორ- ციელების წესის შესახებ

1. საერთო ტენიკურ ზედამხედველობას აკსფსრ ადგილობრივი მნიშვნელობის გზატკეცილებისა და შარაგზების მდგომარეობისა და შენახვისათვის და ამ გზების გაყვანისა და ექსპლოატაციის ტენიკური და ნორმატიული მხარის მოწესრიგებას, რაც უზრუნველჰყოფს მათ დაცვას, უშიშროებას და სარგებლობის წესს, — განხორციელებს გზათა სახალხო კომისარიატი ადგილობრივი ტრანსპორტის ცენტრალური სამმართველოს, ადგილობრივი ტრანსპორტის ამიერკავკასიის საოლქო სამმართველოს და ადგილობრივი ტრანსპორტის რესპუბლიკანური სამმართველოების (საქართველოს, აზერბაიჯანისა და სომხეთის) მეშვეობით.

2. საერთო ტენიკური ზედამხედველობა ადგილობრივი მნიშვნელობის გზატკეცილებისა და შარაგზების მდგომარეობისა და შენახვისათვის გამოიხატება:

ა) სატენნიკო-საინსპექციო ზედამხედველობაში გზების მდგომარეობისა, შენახვისა და მოწყობისათვის;

ბ) გეგმათა შეთანხმებაში გზათა მშენებლობისათვის.

3. ადგილობრივი მნიშვნელობის გზატკეცილებისა და შარავზების გაყვანისა და ექსპლოატაციის ტენიკური და ნორმატიული მხარის მოწყვრიგება ადგილობრივი ტრანსპორტის ამიერკავკასიის საოლქო სამმართველოს მიერ გამოიხატება იმაში, რომ იგი განსაზღვრავს:

ა) გზების გამოკვლევისა და გზებისა და მათ ნაგებობათა პროექტების შედგენისა და აგრეთვე მექანიკურ გაწყობილობის დამზადების საერთო პირობებს;

ბ) გზებისა და მათ ნაგებობათა შენახვისა და რემონტის ტენიკურ წესებს;

გ) სხვადასხვაგვარ ნაგებობათა დატვირთვის გამოანგარიშების ნორმებს;

დ) გზის ლიანდაგისა და ხელოვნურ და სამოქალაქო საგზაო ნაგებობათა ნორმალურ ტიპებს და გზის გაყვანისა და რემონტისათვის საჭირო მექანიკურ გაწყობილობას;

ე) გზების კლასიფიკაციას და განთვისების ზოლის ნორმებს;

ვ) გზებისა და მათ ნაგებობათა სარგებლობის წესებს;

ზ) გზების ეკონომიური და ტენიკური გამოკვლევის მეთოდებს.

4. ადგილობრივი ტრანსპორტის ამიერკავკასიის საოლქო სამმართველოს სატენნიკო-საინსპექციო ზედამხედველობა განხორციელდება მით, რომ იგი:

ა) განიხილავს ადგილობრივი მნიშვნელობის გზების გამეგე ორგანოებისაგან მიღებულ წლიურ ანგარიშებს;

ბ) დაამტკიცებს ახალი გზების გაყვანისა და ნაგებობათა აშენების პროექტებსა და ხარჯთაღრიცხვებს—პროექტებისა და ხარჯთაღრიცხვების მსვლელობისა და დამტკიცების დებულების წესისამებრ.

შენიშვნა. დებულება გზების ნაგებობათა პროექტებისა და ხარჯთაღრიცხვების მსვლელობის წესის შესახებ დამტკიცებულ უნდა იქნეს ა/კსფსრ სახალხო კომისართა საბჭოს მიერ.

გ) ვაეცნობა ადგილობრივ მუშაობას გზატკეცილებისა და შარავზების საინსპექტორო დათვალერების მეშვეობით;

დ) მეთვალყურეობას გაუწევს სავალდებულო ნორმებისა, ტენიკური პირობებისა, ინსტრუქციებისა და წესების აღსრულებას, მე-3 მუხ. თანახმად.


5. ადგილობრივი ტრანსპორტის რესპუბლიკანური სამმართველოს სატენნიკო-საინსპექციო ზედამხედველობა გამოიხატება მით, რომ იგი:

ა) განიხილავს და წარადგენს ადგილობრივი ტრანსპორტის ამიერკავკასიის საოლქო სამმართველოში თავისი დასკვნით გენერალურ და საპერსპექტივო გეგმებს;

ბ) განიხილავს და წარადგენს ადგილობრივი ტრანსპორტის ამიერკავკასიის საოლქო სამმართველოში თავისი დასკვნით საწარმოო პროგრამებს;

გ) განიხილავს, ტენიკურად შეასწორებს და წარადგენს ადგილობრივი ტრანსპორტის ამიერკავკასიის საოლქო სამმართველოში დასამტკიცებლად მე-4 მუხლის „ბ“ პუნქტში ჩამოთვლილ პროექტებსა და ხარჯთაღრიცხვებს;

დ) განიხილავს და დაამტკიცებს ტენიკური მხრით ადგილობრივი მნიშვნელობის საგზაო მშენებლობის ყველა დანარჩენ პროექტს;



ე) გაეცნობა ადგილობრივ წარმოებულ მუშაობას საინსპექტორო დათვალიერების მეშვეობით;

ვ) მისცემს ა/კსფსრ შედგენილობაში შემავალი სათანადო რწსპუბლიკის სახალხო კომისართა საბჭოს თავის დასკვნას ადგილობრივი მნიშვნელობის გზების ეკონომიური გამოკვლევის გეგმების შესახებ;

ზ) შეიმუშავეს, ადგილობრივი მნიშვნელობის გზების გამგე ორგანოებთან ერთად, საცდელ-საჩვენებელ სამუშაოთა გეგმებს;

თ) შეიმუშავეს, ადგილობრივი მნიშვნელობის გზების გამგე ორგანოებთან ერთად, ამ ორგანოებისათვის საგზაო იარაღების მიწოდების გეგმებს;

ი) შეიმუშავეს, პროფესიონალურ და განმანათლებელ ორგანოებთან ერთად, პროფესიონალურ-ტექნიკური განათლებისა და საგზაო მომუშავეთა მომზადების საკითხებს;

კ) განიხილავს და წარადგენს ადგილობრივი ტრანსპორტის ამიერკავკასიის საოლქო სამმართველოში გზების გაყვანისა, რემონტისა და შენახვის საწარმოო პროგრამების აღსრულების წლიური ანგარიშების ასლებს.

6. საგზაო მშენებლობისათვის ადგილობრივ შედგენილი გეგმების შეთანხმება გამოიხიტება მით, რომ:

ა) შეთანხმებულ და შეკავშირებულ იქნება ა/კსფსრ შედგენილობაში შემავალი რესპუბლიკების მიერ საგზაო მშენებლობისათვის შედგენილი გენერალური და საპერსპექტივო გეგმები საგზაო მშენებლობის საერთო-საკავშირო გეგმასთან;

ბ) შეთანხმებულ იქნება წლიური საწარმოო პროგრამები;

გ) შეთანხმებულ იქნება ეკონომიური გამოკვლევის გეგმები;

დ) შეთანხმებულ იქნება საგზაო სამუშაოთათვის მექანიკური გაწყობილობის მიწოდების გეგმა;

ე) მონაწილეობას მიიღებს სსრკ სასუბვენციო ფონდისა და სხვა ფონდების ადგილობრივი საგზაო მშენებლობისათვის განაწილებაში.

შენიშვნა. აღნიშნული საკითხების გამო ადგილობრივი ტრანსპორტის ამიერკავკასიის საოლქო სამმართველო წარადგენს თავის დასკვნებს ამიერკავკასიის საგეგმო ორგანოებში.

7. ადგილობრივი მნიშვნელობის გზების გამგე ორგანოები, ადგილობრივი ტრანსპორტის რესპუბლიკანურ სამმართველოთა მეშვეობით, წარადგენენ, მე-4, 5 და 6 მუხლების აღსრულების წესისამებრ, ადგილობრივი ტრანსპორტის ამიერკავკასიის საოლქო სამმართველოში:

ა) ადგილობრივი მნიშვნელობის გზების გაყვანისა, რემონტისა და შენახვის საწარმოო პროგრამების აღსრულების წლიური ანგარიშების ასლებს;

ბ) მე-4 მუხ. „ბ“ პუნ. გათვალისწინებულ სამუშაოთა პროექტებსა და ხარჯთაღრიცხვებს;

გ) საგზაო მშენებლობის გენერალურ და საპერსპექტივო გეგმებს, საწარმოო პროგრამებს, ეკონომიურ გამოკვლევათა და საცდელ-საჩვენებელ სამუშაოთა გეგმებს—შესათანხმებლად.

8. ადგილობრივი ტრანსპორტის რესპუბლიკანური სამმართველოებისა და ამიერკავკასიის საოლქო სამმართველოს მიერ ზემოაღნიშნული ფუნქციების შე-

სასრულბლად—ადგილობრივი მნიშვნელობის საგზაო მშენებლობისათვის ტექნიკური ზედამხედველობის გასაწევად დანიშნული კრედიტებიდან გადაირიცხება ისეთი თანხა, რაც ერთ პროცენტს შეადგენს ამ მშენებლობისათვის გაწეული ფაქტიური ხარჯებისას.

9. ადგილობრივი მნიშვნელობის გზების გამგე ყველა ორგანო თავისი მოქმედებისა და ადგილობრივი ტრანსპორტის ამიერკავკასიის საოლქო სამმართველასთან და რესპუბლიკანურ სამმართველოებთან ურთიერთობის დამყარების სფეროში იხელმძღვანელებს ამა დებულებას.

გამოქვეყნებულია „ზარია ვოსტოკა“-ს 1608 №-ში 1927 წ. ოქტომბრის 22-ს.

დადგენილება ამიერკავკასიის ცენტრალური აღმასრულებელი კომისიისა და აკსფსრ სახალხო კომისარტა საბჭოსი

217. წითელარმიელთა და მათ ოჯახთა უფლებრივი და ქონებრივი მდგომარეობის დაცვის განხორციელებისათვის გამოცემული ინსტრუქციის დამატების შესახებ.

ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისარტა საბჭო ადგენენ:

შეტანილ იქნეს წითელარმიელთა და მათ ოჯახთა უფლებრივი და ქონებრივი მდგომარეობის დაცვის განხორციელებისათვის გამოცემულ ინსტრუქციაში (ა/კსფსრ კან. კრ. 1925 წ. მე-12 №-რი, მუხ. 565) შემდეგი დამატება:

I. ინსტრუქციის მე-60 მუხლს დაემატოს შემდეგი შინაარსის შენიშვნა:

„**შენიშვნა 1.** ნებისად დაქირავებულ მსახურად ითვლება ისეთი პირი, რომელიც სამხედრო უწყების ნაწილში, სამმართველოში და დაწესებულებაში გაწეულია თავისუფალი ქირაუნობის წესით, მაგალითად: სამხედრო უწყების წარმოებითი საწარმოს მუშა, სამხედრო უწყებაში მომსახურე პირი, რომელსაც საშტატო თანამდებობა არ უჭირავს, აგრეთვე ყველა სხვა პირი, რომელსაც ტექნიკური თანამდებობა უჭირავს, ე. ი. ისეთი თანამდებობა, რომლისთვისაც სამხედრო მომხალება საჭირო არ არის, და ეს მომხალება არ შეითვისება აღნიშნულ თანამდებობაზე მსახურის აღსრულებით“.

II. ინსტრუქციის მე-7 მუხლს დაემატოს მე-2 შენიშვნა შემდეგი შინაარსისა:

„**შენიშვნა 2.** „სსრკ მუშათა და გლეხთა წითელი არმიისა და მუშათა და გლეხთა წითელი ფლოტის სამხედრო მსახურთა და მათ ოჯახთა შეღავათებისა და უპირატესობის შესახებ გამოცემულ კანონთა კოდექსითა და ამა ინსტრუქციით სამხედრო მსახურთათვის და მათ ოჯახთათვის დაწესებული შეღავათები და უპირატესობანი მიინიჭება, ან საწითელარმიელო



წიგნაკისა, ან ადგილობრივი აღმასრულებელი კომიტეტის სათანადო ცნობის წარდგენისამებრ, აგრეთვე მუშათა და გლეხთა წითელი არმიის ამა თუ იმ ნაწილისა ან დაწესებულების მიერ, სამხედრო მსახურის სამსახურის ადგილის მიხედვით, გაცემული მოწმობის წარდგენისამებრ“.

III. ინსტრუქციის მე-V თავს—პროკურატურის ზედამხედველობა წითელ-არმიელთა და მათ ოჯახთა უფლების დაცვისათვის—დაემატოს 32¹ მუხლი შემდეგი შინაარსისა:

„32¹. საპროკურორო ზედამხედველობის ორგანო მოვალეა იქონიოს მუდმივი მეთვალყურეობა, რათა ყველა იმ საქმის მსვლელობა, რომელშიაც ერთ-ერთ დაინტერესებულ მხარედ სამხედრო მსახურია ან მისი ოჯახი, სასამართლოს ინსტანციებში თავის დროზე სწარმოებდეს“.

IV. 33 მუხლი მიღებულ იქნეს შემდეგი რედაქციით:

„33. ის თანამდებობის პირი, რომელიც არ მიიღებს ან თავის დროზე არ მიიღებს ღონისძიებას წითელარმიელთა და მათ ოჯახთა სამართლიანი ინტერესების დასაცავად, პასუხისგებაში იქნება მიცემული სისხლის სამართლის წესით, როგორც ხელისუფლების უმოქმედობისათვის“.

ა/კ. ცენტრალური აღმას. კომიტ. თავმჯდომარე ს. ადამალი-ოღლი.

ა/კსფსრ სახ. კომისართა საბჭოს თავმჯდომარე შ. ელიავა.

ა/კ. ცენტრალური აღმას. კომიტეტის მდივანი ა. შავერდოვი.

1927 წ. ოქტომბრის 10. ტფილისი-სასახლე.

გამოქვეყნებულია „ზარია ვოსტოკა“-ს 1610 №-ში 1927 წ. ოქტომბრის 25-ს.

დადგენილება აზიერკავკასიის სენსრალური აღმასრულებელი კომიტეტისა და აკსფსრ სახალხო კომისართა საბჭოსი

218. ა/კსფსრ ადგილობრივი ფინანსების დებულების 23 მუხლის დამატებისა და 27 და 39 მუხლების შეცვლის შესახებ.

ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისართა საბჭო ადგენენ:

I. ა/კსფსრ ადგილობრივი ფინანსების 1926 წლის აგვისტოს 9-ს დებულების (ა/კსფსრ კან. კრ. 1926 წ. მე-8 №-რი, მუხ. 697) 23 მუხლს დაემატოს პუნქტი „ნ“ შემდეგი შინაარსისა:

„ნ. ბირჟის გარეშე დადებულ გარიგებათა სახელმწიფო სარეგისტრაციო გამოსაღების ანარიცხი—შემოსული გამოსაღების 2/3 რაოდენობით“.

II. იმავე დებულების 27 მუხლის „გ“ პუნქტი მიღებულ იქნეს შემდეგი რედაქციით:

„გ. ბირჟაზე ქმნილ ვარიგებათა გადასახადი (მუხ. 39)“.

III. იმავე დებულების 39 მუხლი და ამ მუხლის შენიშვნები მიღებულ იქნეს შემდეგი რედაქციით:

„39. ბირჟაზე ქმნილ ვარიგებათა გადასახადის რაოდენობა არ უნდა აღემატებოდეს:

ა) იმ ვარიგებისათვის, რაც ქმნილია სასაქონლო ბირჟაზე,—ვარიგების თანხის 0,1⁰/₀-ს;

ბ) იმ ვარიგებისათვის, რაც ქმნილია საფონდო ბირჟაზე და სასაქონლო ბირჟის საფონდო განყოფილებაში,—ვარიგების თანხის 0,05⁰/₀-ს.

შენიშვნა 1. ბირჟაზე ქმნილი ვარიგების გადასახადისაგან განთავისუფლდება ვარიგება სახელმწიფო სესხის ობლიგაციებზე, სსრკ ფინანსთა სახალხო კომისარიატის მოკლევადიანი გადახდის ვალდებულებაზე და სახელმწიფო შრომითი შემნახველი სალაროს სერტიფიკატებზე.

შენიშვნა 2. ბირჟაზე ქმნილი ვარიგების ადგილობრივი გადასახადის გადახდევინების წესს განსაზღვრავს ა/კფსრ ფინანსთა სახალხო კომისარიატი, ა/კფსრ ვაჭრობის სახალხო კომისარიატთან შეთანხმებით.

IV. დადგენილება ესე შემოღებულ იქნეს სამოქმედოდ 1927 წ. ოქტომბრის 1-დან.

ა/კ. ცენტრ. აღმ. კომიტეტის თავმჯდომარე **ს. აღამალი-ოღლი.**

ა/კფსრ სახ. კომისართა საბჭ. თავმჯდომარე **შ. ელიავა.**

ა/კ. ცენტრ. აღმასრულ. კომიტეტის მდივანი **ა. შავერდვაძე.**

1927 წლის ოქტომბრის 10. ტფილისი-სასახლე.

გამოქვეყნებულია „ზარია ვოსტოკა“-ს 1610 №-ში 1927 წ. ოქტომბრის 25-ს.

დადგენილება № 51 ა/კფსრ სახალხო კომისართა საბჭოსი

219. ა/კფსრ სახალხო კომისართა საბჭოს მიერ „ტყის თვითნებისად მოჭრის აღმოჩენისათვის ტყის მცველებისა და მილიციის პრემიით დაჯილდოების თაობაზე“ გამოცემული დადგენილების შეცვლის შესახებ.

ა/კფსრ სახალხო კომისართა საბჭო ადგენს:

ა/კფსრ სახალხო კომისართა საბჭოს მიერ „ტყის თვითნებისად მოჭრის აღმოჩენისათვის ტყის მცველებისა და მილიციის პრემიით დაჯილდოების შესახებ“ 1926 წ. ოქტომბრის 19-ს თარიღით გამოცემული (ა/კფსრ კან. კრ. 1926 წ. მე-13 №-რი, მუხ. 757) დადგენილების 1-ლი მუხლი მიღებულ იქნეს შემდეგი რედაქციით:

„1. დაწესებულ იქნეს ტყის მცველებისა და მილიციის პრემიით დაჯილდოება იმ პირთა აღმოჩენისათვის, რომელნიც თვითნებისად მოსკოვიან ტყეს და უკანონოდ ისარგებლებენ ტყესა და ტყის სანახებს“.

ა/კსფსრ სახალხო კომისართა საბჭოს
თავმჯდომარის მოადგილე დ. ჰუსეინოვი.

ა/კსფსრ სახალხო კომისართა საბჭოს
საქმეთა მმართველი ნ. სოკოლოვსკი.

1927 წ. ოქტომბრის 10. ტფილისი-სსსახლე.

გამოქვეყნებულია „ზარია ვოსტოკა“-ს 1610 №-ში 1927 წ. ოქტომბრის 25-ს.

დადგენილება ა/კ. რკ. გზ. გამგეობასთან არსებული საუსაზღვრო სატარიფო თათბირისა

1927 წ. ოქტომბრის 12. № 8.

220. ვაგონობით ჩათახის თუჯის გადაზიდვისათვის არსებული ადგილობრივი ტარიფის გაუქმებისა, იზოტერმიული ვაგონების მოთხოვნისათვის არსებული საწინდრის შეცვლისა და საყოფრე გრანიტის ქვის გადაზიდვისათვის არსებული ადგილობრივი ტარიფის შეცვლის შესახებ.

ვაგონობით ჩათახის თუჯის (არა-ნაკეთობისა) გადაზიდვისათვის არსებული ა/კ. მე-19 №-რის (04) ადგილობრივი ტარიფის გაუქმების შესახებ.

ვაგონობით ჩათახის თუჯის (არა-ნაკეთობისა) (32 ჯგ. 12-ბ პოზ.) სადგურ სანდარიდან (192) ა/კ. რკ. გზ. დანარჩენ სადგურებამდე გადაზიდვისათვის არსებული ა/კ. რკ. გზ. მე-19 (04) №-რის ადგილობრივი საშელავათო ტარიფი, საერთო ტარიფის 25 პროც. მონაკლებით, რომელიც გამოქვეყნებულ იქნა გაზ. „ზარია ვოსტოკა“-ს 589 №-ში 1924 წ. მაისის 30-ს და ტარიფთა კრებულის 186 №-ში 2041 №-რის ტარიფად, ჩაითვალოს გაუქმებულად 30 დღის გასვლისას დღიდან ამა დადგენილების გამოქვეყნებისა.

ა/კ. რკ. გზ. სადგურებიდან იზოტერმიული ვაგონების მოთხოვნისათვის არსებული საწინდრის შეცვლის შესახებ.

ა/კ. რკ. გზ. სადგურებიდან მალფუქებადი ტვირთის დასატვირთავად იზოტერმიული ვაგონების მოთხოვნისათვის ამა დადგენილებით დაწესებულია საწინდრის შემდეგი განაკვეთები (ვაგონის ტვირთწიომის დამოუკიდებლად):

1. ხელოვნური ყინულით მომარაგებული ვაგონი 97 მან.
2. ხელოვნური ყინულით და მარლით მომარაგებული ვაგონი . 112 მან.

შენიშვნა. იზოტერმიული ვაგონების ბუნებრივი ყინულით მომარაგების დროსაც საწინდრის რაოდენობა უცვლელად რჩება.

ტარიფი ესე დაწესებულია იმ დრომდე, ვიდრე იგი გაუქმებულ იქნებოდეს და სამოქმედოდ შემოიღება შეიდი დღის გასვლისის ამა დადგენილების გამოქვეყნებიდან.

საყორე გრანიტის ქვის (ჯგ. 41, პოზ. 8) გადაზიდვისათვის არსებული ა/კ. რკ. გზ. 73 (04) №-რის ადგილობრივი ტარიფის განგრძობის შესახებ.

ბათუმის და ფოთის პორტების გასაფართოებლად ტყიბულის შტოს სადგურებიდან ბათუმ-ნავთსადგურამდე და ფოთ-ნავთსადგურამდე პორტების განყოფილებისა და შინა-წყალსაავალი გზების სამმართველოს კუთვნილი საყორე გრანიტის ქვის (ჯგ. 41, პოზ. 8) გადაზიდვისათვის არსებული ა/კ. რკ. გზ. 73 (04) №-რის ადგილობრივი ტარიფი, რომელიც დაწესებულია ვადით 1927 წ. ოქტომბრის 1-დღე და გამოქვეყნებულია გაზ. „ზარია ვოსტოკა“-ს 1504 №-ში 1927 წ. ივნისის 17 და ტარიფთა კრებულის 434 №-ში 9565 №-რის ტარიფად, განგრძობილ იქნეს უცვლელად ვადით 1928 წ. იანვრის 1-დღე.

ა/კ. რკ. გზ. გამგეობასთან არსებული საუწყებათაშორისო სატარიფო თათბირის თავმჯდ. მოადგილე **ტერ-მიქაელიანი.**

საუწყებათაშორისო სატარ. თათბირის საქმეთა მმართველის თან. აღმ., უფროსი ეკონომისტი **ვარდერევიცი.**

გამოქვეყნებულია „ზარია ვოსტოკა“-ს 1610 №-ში 1927 წ. ოქტომბრის 25-ს.

დადგენილება № 82 სსსსრ შრომის სახალხო კომისარიატისა

1927 წლის ოქტომბრის 25.

221. ტყვიის ნაკეთობის მკავშირებელთა შემოკლებული სამუშაო დღის შესახებ.

სსრკ შრომის სახალხო კომისარიატის მიერ „ტყვიის ნაკეთობის მკავშირებელთა შემოკლებული სამუშაო დღის შესახებ“ 1927 წ. ოქტომბრის 15-ს თარიღითა და 331 №-რით გამოცემული დადგენილების თანახმად, ა/კსფსრ შრომის სახალხო კომისარიატი ადგენს: ა/კ. შრომის სახალხო კომისარიატის 1924 წ. სექტემბრის 11-ს დადგენილებით დამტკიცებულ (ა/კსფსრ შრომის მომქმედი კანონმდ., 1926 წ. გამოც., 295 გვ.) იმ განსაკუთრებით მაგნე სამუშაოთა სიას, რომელთათვისაც დაწესებულია შემოკლებული სამუშაო დღე, სახელდობრ მე-2 კარს (მეტალის დამმუშავებელი წარმოების მრეწველობა) დაენატოს მე-16 პუნქტი შემდეგი შინაარსისა:

„16. ტყვიის ნაკეთობის მკავშირებელნი მუდმივი მუშაობის დროს—7 საათ.

ა/კსფსრ შრ. სახ. კომისრის მოადგილე **ბანოვიჩი.**

შრომის დაცვის განყოფილების გამგე **ნასყიდოვი.**

გამოქვეყნებულია „ზარია ვოსტოკა“-ს 1612 №-ში 1927 წ. ოქტომბრის 27-ს.

დადგენილება № 52. აკსფსრ სახალხო კომისართა საბჭოსი

222. საგეგმო ორგანოების საკონიუნქტურო დაკვირვებათა შესახებ.

რადგანაც სათანადოდ დაყენებული საკონიუნქტურო დაკვირვება აუცილებელი პირობაა საგეგმო პრინციპის წარმატებით განხორციელებისათვის, ა/კსფსრ სახალხო კომისართა საბჭო აღდგენს:

1. წინადადება მიეცეს ა/კსფსრ სახელმწიფო საგეგმო კომისიას გააძლიეროს მუშაობა საკონიუნქტურო დაკვირვებისა ა/კსფსრ სახალხო მეურნეობისათვის, რისთვისაც ზედმიწევნით უნდა იხელმძღვანელოს სსრკ სახელმწიფო საგეგმო კომისიის დირექტივები ამ დაკვირვებათა ორგანიზაციის პრინციპებისა, მოცულობისა, მეთოდებისა და პროგრამებისა, აგრეთვე მათი აღსრულების საკალენდრო ვადების შესახებ; თანაც მიიღოს განსაკუთრებული ღონისძიებანი დაკვირვებათა გაფართოებისათვის ა/კსფსრ მრეწველობის სფეროში, როგორც პროგრამებისა, ისე სადაკვირვებო ობიექტების მხრით.

2. კვლავ დაედასტუროს სახალხო კომისარიატებსა, უწყებებსა და ორგანიზაციებს, რომელნიც-კი ა/კსფსრ ტერიტორიაზე მოქმედებენ, საჭიროება უცილობლად ხელი შეუწყონ ა/კსფსრ სახელმწიფო საგეგმო კომისიას 1-ლ მუხლში აღნიშნული მიზნის განხორციელების საქმეში, როგორც საჭირო ცნობებისა და მასალების წარდგენით, ისე სათანადო შემთხვევაში მის მუშაობაში მონაწილეობის მიღებით.

3. წინადადება მიეცეს ა/კსფსრ სახელმწიფო საგეგმო კომისიას ყოველთვე, არა უგვიანეს 25 რიცხვისა, წარუდგინოს ხოლმე ა/კსფსრ უმაღლეს ეკონომიურ საბჭოს მოხსენება გასული თვის საკონიუნქტურო დაკვირვებათა ანალიზის შესახებ და აქედან გამომდინარე ღონისძიებათა პროექტი; თანაც აღნიშნოს ის დაბრკოლებანი, რამაც თავი იჩინა საკონიუნქტურო მუშაობაში.

4. დაეკისროს ა/კსფსრ სახელმწიფო საგეგმო კომისიას ხელმძღვანელობა გაუწიოს რესპუბლიკანურ სახელმწიფო საგეგმო კომისიების საკონიუნქტურო მუშაობას.

5. წინადადება მიეცეს ა/კსფსრ შედგენილობაში შემავალი რესპუბლიკების სახალხო კომისართა საბჭოებს—ვალდებულყონ რესპუბლიკანური სახელმწიფო საგეგმო კომისიები—ზედმიწევნით იხელმძღვანელონ ა/კსფსრ სახელმწიფო საგეგმო კომისიის დირექტივები დაკვირვებათა ორგანიზაციის პრინციპებისა, მოცულობისა, მეთოდებისა, მუშაობის პროგრამებისა და ვადების შესახებ.

ა/კსფსრ სახალხო კომისართა საბჭოს

თავმჯდომარის მოადგილე დ. ჰუხეინოვი.

ა/კსფსრ სახალხო კომისართა საბჭოს

საქმეთა მმართველი ნ. სოკოლოვსკი.

1927 წ. ოქტომბრის 25. ტფილისი-ხსახლე.

გამოქვეყნებულია „ზარია ვოსტოკა“-ს 1613 №-ში 1927 წ. ოქტომბრის 28-ს.



დადგენილება აგიერკავკასიის ცენტრალური აღმას- რულებელი კომიტეტისა

223. ა/კსფსრ ვაჭრობის სახალხო კომისიის მოადგილედ ამხ. მ. გ. გაჯინსკის დანიშვნის შესახებ.

ამიერკავკასიის ცენტრალური აღმასრულებელი კომიტეტის პრეზიდიუმში ადგენს: ამხ. შამედ გასან გაჯინსკი დანიშნულ იქნეს ა/კსფსრ ვაჭრობის სახალხო კომისიის მოადგილედ.

ა/კ. ცენტრ. აღმას. კომიტეტის თავმჯდომარე ს. აღამალი-ოღლი.

ა/კ. ცენტრალური აღმას. კომიტეტის მდივანი ა. შავერდოვი.

1927 წლის ოქტომბრის 25. ტფილისის სასახლე.

გამოქვეყნებულია „ზარია ვოსტოკა“-ს 1614 №-ში 1927 წ. ოქტომბრის 29-ს.

დადგენილება აგიერკავკასიის ცენტრალური აღმას- რულებელი კომიტეტისა და აკსფსრ სახალხო კო- მისართა საბჭოსი

224. სოციალური დაზღვევის ორგანოებისათვის შეღავათების მი-
ნიჭების შესახებ.

ამიერკავკასიის ცენტრალური აღმასრულებელი კომიტეტი და ა/კსფსრ სა-
ხალხო კომისართა საბჭო ადგენენ:

1. განთავისუფლებულ იქნენ სოციალური დაზღვევის ორგანოები, მათი დასვენების სახლები, სანატორიები და საინვალიდო დაწესებულებები ყველა ად-
გილობრივი გადასახადისა და გამოსაღებისაგან.

2. კომუნალური მომსახურების სასყიდლის სფეროში სოციალური დაზღვე-
ვის ორგანოები და მათ გამგებლობაში ქონებული დასვენების სახლები, სანატო-
რიები და საინვალიდო დაწესებულებები გათანასწორებულ იქნენ სახელმწიფო
ბიუჯეტზე მყოფ დაწესებულებებთან.

3. გავრცელებულ იქნეს სოციალური დაზღვევის ორგანოების დასვენების
სახატორიებზე და საინვალიდო დაწესებულებებზე ამიერკავკასიის
ცენტრალური აღმასრულებელი კომიტეტისა და ა/კსფსრ სახალხო კომისართა
საბჭოს შერეულ-პროფესიონალური კავშირებისაგან სანატორიუმებისა, დასვენების
სახლებისა და სათანადო სამკურნალო დაწესებულებისათვის დაჭერილი სადგო-
ების საიჯარო სასყიდლის გადახდევინების აკრძალვის შესახებ—1926 წ. ივლი-
სის 5-ს ბაზრით გამოცემული (ა/კსფსრ კან. კრ. 1926 წ. მე-7 №-რი, მუხ. 688)
დადგენილების 1-ლი მუხლის მოქმედება.

ა/კ. ცენტრ. აღმას. კომიტეტის თავმჯდომარე ს. აღამალი-ოღლი.

ა/კსფსრ სახ. კომისართა საბჭოს თავმჯდომარე შ. ელიავა.

ა/კ. ცენტრალური აღმასრ. კომიტეტის მდივანი ა. შავერდოვი.

1927 წლის ოქტომბრის 25. ტფილისის სასახლე.

გამოქვეყნებულია „ზარია ვოსტოკა“-ს 1615 №-ში 1927 წ. ოქტომბრის 30-ს

